

黎城縣續志

目錄

卷一

序

纂修姓氏

圖

表

地理志

疆域

城池

兵防附

山川

村落附

古蹟

墳墓附

政事志

戶口

田賦

鹽法附

職官

公署

學校

祠祀

寺觀

紀事

卷二

人物志

選舉

進士

舉人

貢生

薦辟

名宦

名賢

孝義

義行附

文苑

材能

流寓

方技

仙釋

列女

卷三

藝文志

詩

賦

傳

碑記

墓誌

卷四

補遺

沿革
寺觀

山川
紀事

古蹟
名賢

物產
流寓

鄉宦
列女

祠祀
藝文

糾誤

沿革
紀事

城池
名賢

山川
忠節

古蹟
流寓

附錄

書目
碑目

義行

劉守全王曲里人以省祭官隱居不仕善睦鄉族七

世同居旌爲義門

見平順舊志

王三聘王曲里人諸生嘗建義學作育人才散餘粟

賑濟窮貧林泉自娛屢光賓筵子御寰有傳

見平順舊志

李維太學生性耿介尙義康熙辛丑歲饑倡捐米百

餘石施粥延慶寺中全活甚眾雍正間縣治傾圯率

眾修親民堂並學宮俱爲完葺乾隆元年年逾九十

以恩詔給入品頂戴

卷之二
范紹業字丕緒庠生喜施予家世力田秋獲時輒預
戒巡田人云吾禾被竊幸勿較然人亦不忍竊也親
屬有王李二姓待以舉火者多年後各予錢百五十
串云吾老矣持此各尋生機勿相累積粟不求售每
云倘有凶荒親族皆可保全嘉慶九年十年歲饑出
粟徧賑一村賴以無流亡生平不修宅舍歲入有餘
悉以賑貧人稱其德年七十卒

江濞武生家素裕居鄉有好義稱光緒丁丑歲大祲
濞出資助賑先後費一千六百金環所居二十餘村

多賴以全活有司匾旌其門

文苑

李御字若膺元黃長子以歲貢終工文善書旁及繪
事尤好史學嘗纂邑乘有式怡堂集數萬言藏於家
李吉字長吉御弟也博貫經史少以孝友著郡守楊
嘗詢黎人士於金漳水部水部列其孝行以聞吉固
辭曰此非人子立名地與兄御同修邑志有怡園集
苦音集印可帖卒之日程大夏志其墓曰方嚴如宋
儒而不傷於腐風流如晉人而不流於蕩博雅好古
多材多藝則又漢之閎覽博物君子也其見許如此

李孝輝字祖虞郡學增生有異質仁孝性成成童
補弟子員試輒高等郡伯顧公延入五龍書院一時
名人碩士咸折服從叔御纂縣志孝輝與參校時稱
小阮數奇屢困場屋因殫心性理研精古學詩文著
有靜觀齋文集壽七十七卒武鄉陳舜裔志其墓
申如岳字嵩生歲貢文謨子康熙戊寅拔貢工時文
善詞賦兼精楷法年十八餽郡庠與長治魏玠並知
名每膺科歲試輒各冠其庠後貢入太學以詩古文
爲時所重潞之碑版屏幃多出其手藏弄者如拱壁

需次得夏縣教諭改補崞縣閱兩年歸家益落年逾
八旬尙能作蠅頭細楷及擘窠大書賣文以自給又
五年而卒

李唐奕字禹甸占黃孫濂之子也生而早慧十六爲
諸生旋遭父喪與兄弟哀瘠如禮析箸時聞得新居
讓之人以爲難其制舉業數見重於學使而雅好古
文議論上下古今浩無涯涘凡金石文字傳志碑版
之作皆能自闢蹊徑已卯冬以年例貢太學需次訓
導卒於家

董琮字瑞圃家貧力學應童試時嘗遭拂意自此愈奮志攻苦舉嘉慶癸酉鄉試明年成進士平生以幹濟自負而仕迹迤蹇不克展其所學以澤州太原教授終

馮端孝字正倫爲人口吃思沈善屬文乾隆己卯舉於鄉官馬邑訓導邊地寒瘠束脯時不給宴如也居五年辭歸課孫娛老時吟小詩寄意有集號可軒主人嘗自撰墓誌其銘曰賦氣也偏於剛處世也近於方年逾古稀性侔桂薑

王晉字錫蕃祖端有傳晉爲人樸實真摯傳其家學
學使莫實齋侍郎以風雅提唱三晉極爲所獎許登
嘉慶己巳進士甫釋褐忽喪其明主講黎之書院郡
中高才生多從之問學口授指畫咸滿意以去年四
十卒

高曰直字古愚以詩文負時譽教授鄉里從之遊者
戶外屨恒滿以明經老曰達其族也亦工詩著有桂
溪詞鈔

王煥辰字伯龍號薇階幼負異才童時試爲詩落筆

即驚其長老歌行尤擅長領道光甲午鄉試解額性好遊所至名蹟多有題詠時文極爲當世所推七試禮部卒不第著有杜律先易杜律標式若干卷藏於家

楊汝舟字濟川好學博極羣書工詩賦每郡試輒冠其曹邑令邵警菴刺史同里王英齋都轉皆爭禮之令子弟從之問業累舉不得志以年例貢太學卒著有芝軒詩稿

李星煜字西庚少負時譽爲文下筆立就爭傳誦焉

補縣學生旋食餼性耿介安貧樂道饗殯或不給嘯
咏自如李可倚者字在興御之曾孫也廩生文行並
爲鄉里欽重子夢騏工書有父風

范恒字肩一歲貢生治經有法教授生徒諳諳不倦
門下多知名士或登甲乙科食餼采芹者無慮數十
人性不喜言勢利雖鄰里小兒見輒爲之講解字義
晚年以詩酒自娛鄉人皆高其行卒年六十七

范永昌字濟華歲貢九歲喪母隨祖卧起詩書口授
皆能成誦既爲諸生研經之暇旁及醫理求診者常

盈門有不遠數百里而相延者著有醫學代口訣二
卷女科二卷尤工制舉業鄉試十七次十一薦卒不
遇士論惜之

材能

王發越字英齋道光乙酉舉人明年成進士釋褐任清平知縣累官至雲南巡西兵備道擢廣東鹽運使引疾歸性警敏習吏治嘗令鉅野歷城刺膠州高唐州守大理曲靖兵備貴西多衝劇邊要地處之裕如所至並有政績家居遇地方利弊必力陳於當事邑人感焉著有倚雲山房集

黎城縣續志

卷之二

材能

三